




勞人草序

詩有之驕人好勞人草

草矣勞人者詩人也而所

由以為詩者驕人也吾嘗

縱觀古今驕人之致空樽



影躡幻巧千出其才何所  
不入而其心何必不告彼勞  
人者方正守拙用無暇計  
於人情之變卒至於坐困  
而不支而徒抱其單、之

懷也宜其不相勝矣然使  
驕人者少正其心而善用  
其才其於人材固脈裨助  
奚啻一二乃指而加諸勞人  
徒令勞人者萬纓而下見

其心若日月之愈明而慕  
其才若風雲之不可即則  
所謂好者所得孰與  
仲多也沈伯含先生先  
余郎司馬滿口動節多忤

廉守方州以出所遊適雪  
均之鄉而所為蒙饒乎古  
諸什亦多出於騷賤之意  
先生文章擅天下淵涵  
泉涌隨地而出特特乞

靈鳥屬特休明內無官新  
得卒其業意行如子瞻之  
目黃而入乎是先生無靈  
均之遭而有騷賦之博可慶  
也吾獨因先生而傷官


新輩之驕也靈均之勞也  
巷伯其以俟諸後世哉而  
非所以語於先生矣先生  
曰不然吾浮湘沅沅踐九  
疑介九竇以稱勞人觸而

思之而不得而能不託於  
手與口以稱單、吾楚大夫  
之不敢知而何論風雅以  
上事于黃子曰沈先生之辭  
則讓矣然先生之詩美矣

其危材也博其寓指也微  
其寄興也放於天地萬物  
之外而無所不自得是故  
世無法官斬其人也則可  
後猶有其人者見之恐不

以為能勞而更以為宜驕也  
也業在鴻雁之年章

舊日實弟黃建東頓首



勞人草

錢唐沈朝煥伯含甫著

擬騷四章

溝竒

鑠皇造之昭嘉蹈迮陜於中露迴驟黃之謬戾  
忽踳階而蚪度雖橋厲以盡劬莞兀兀其恠獲  
羗偃默以尋效盛尊沓兮蓋美封一蛇於介丘  
媮牛羊而弗字謫周南以留滯阻嘯歌於江汜

徒上征而骫疲靡鼯飽而眎晷渥駢闐而靡寧  
精髮髴而焉以不獲世之滓垢微日月其孔醜  
烏爰止於靡聖求淑妃而弗偶待長夜其疇旦  
逢逞吝於陽九聊揖抑以蹇願中國瘵而謬迷  
謁闕天而來譖九關閔格而不可以呼

述征

迅遼濶之靡託洞颯習以翹舉賊飛景而招搖  
翩何構擬而焉止悴靈均於江潭促賈鵬於沅

並狂白流而夜郎東丘矢遯於九夷之里夫亦  
緬此中區兮故賢聖之都也蹇獨罹此鞠凶兮  
蕩厥體於炎燠之戶也吾何情乎南人之變態  
覽屈圍而卒荒馮鮫螟以亦越自躍冶而弗降  
又焉所於能揆觸耳目而糞皇箴爬鱗而薦羞  
掩藻米於裸壤皂牛驥其兩絀糅玉石而一量  
忽鴻網以躄躄逸沆泱而從橫睹百卉之具腓  
感年壽之靡非常意專專而未化覽瀟率而端迓

乎故鄉

矯志

天邈邈而迴榦人么么而出機胡克合厥道而  
終詰彼尤違龍虬雖困質於蝻蝻瀆鯀附而睨  
之鸞鷲有嘯其谷鳴睇鸞雛而若胎威施棄澤  
於下陳豈施眉色於化佳擗胡繩其絃絃柴藜  
棘於中旭托與與以緯縷交午貫而獨瞻錯三  
五之衡紀畢文武而并歛被澡雪於蘭液攻瑕

類而罔玷寧直伐以捐曲鋈處後而已忘先體猷  
訓以達璫胡庸軌往脩於任猶乃逢紛以彌厲  
藏穆熙於眇見縱高張其若雷吾褻焉而承之  
以規瑱

懸解

筌獨貴此遐獨藹義沖而中晬替輻輳而離絕  
晚即昭而背昧脫鞿係而犴天門解繚轉而眇  
默乎方之歟芽玄黃於清潑之淵齊泮合乎白

虛之字吾將締匡郭以返真獨陰淪而霞舉澹  
威光於鼎嬉營勤鄂於亥乳抱子珠而守一射  
遞代其就緒湛靈脩以若波粲玉女而容與彼  
化人之殞虛兮戴鈎鈐而立斗歷建德之苞昏  
叅月節於黃宙倚太儀之婉嫵總六虛乎崑崙  
之首澆靈勺而養恬叩玄牝乎何有一彭殤於  
蓬楹與灑氣乎終久

被言十首

少小耽章句曾攻巷伯詩比來身自歷滋味覺  
如斯月旦從人造陽秋任意嗤衣冠出道上竊  
鐵滿前疑

聲觸俱含舌而何巧作簧事間虛拾證理外幻  
相嘗瞥隕晴空電驚飛炎月霜一身餘幾許顛  
倒任衣裳

天地俱翻覆人間若沸羹建牙開謗府萬杵築  
讒城大叫閣無路高懸鑑未明柳榆逢鬼物薄

俗故相輕

若自肝腸惡還馮口吻便幽明非受法愛憎不  
關天白玉那堪點蛾眉私自憐榮華元業果劫  
處更迤邐

牛馬呼何害相蒙墨不耳無心依社闕轉覺滯  
南冠本性不諧俗浮名焉足貪只愁空谷裏睥  
眤尚耽耽

落人應已忌謙卑亦見汚世情無一可何物是

吾徒踪跡從鑪冶形容任畫圖樂羊書一篋歸  
去著潛夫

哆侈情何極憂時邁閱多深文如鍛獄入室甚  
操戈轉眄藏風雨彌天挂網羅隼墉高百尺瞪  
目柰愁何

帝堦還只尺指佞事全非何日逢消覘無端中  
伏機喙長愁自失明畏子無依國是今如此將  
無咏式微

東國鳴鴉怨南征  
薏苡疑昔人猶未免不佞復  
何辭素行從君點丹表祇自知無文其霧隱敢  
續楚人詞

最能銷壯色鷄肋進賢冠羽細那禁折綿輕不  
耐彈宦情元自薄行路亦何難一掛逢冠去江  
湖滿目寬

李中丞歌

千人之英萬人傑挈與宇宙相撐持嶽生申甫

萃出尹磅礴影氣實間之邇來燕京垂十帝三  
輔孕毓多英奇爭如一代李中丞金鏞倚重冰  
壺清噴山欲野盡氣勢襟雲帶雨生靈明天子  
降節推都俞迺召司空及司徒外府計相規良  
畝蒼水使者授赤符公兼兩柄條南北所界天  
意寧區區是時餘賦幾十九寺人黃金高壯斗  
誓掃櫬槍抗至尊痛哭書成時在手豺狼斂喙  
民氣息空宰幾微動顏色南人拍手壯人歌口

碑盡載公之德裴公郭相豈前代其露陽春遍  
疆域開襟吐納天下士流水高門心未已平生  
未面荷吹煦此誼方何古君子年來貝錦織曹  
卽公為怒髮衝冠起塔前尺地許相借上客尊  
壘收下里讀公之疏嗟公詩合沓高名動玉墀  
頰網漏網盡補葺牽風振雅今何疑赤憎世路  
咀糠粕珍重分明染丹矐軍殿寧忘敗將功舌  
存敢泣窮途惡終古一知堪不死戎有股肱胥

色喜請看古來烈士坎塹終其身千秋一一刊  
青史

淮上度中秋因得秋字

何處看良夜偏宜澤國秋漢槎還八月灘水自  
三洲清吹會孤憤寒雲倚散裘徘徊望天關餘  
彩鏡中收

登古城

天涯肝膽誰兄弟異代英雄只自知楚水漸淤

藏劍後漢靈猶泣鼎分時龍蛇大澤餘真氣草  
木酸風擊古祠瞻對自傷閣萬里古來遭際幾  
人奇

賦新嘉驛松

驛屬濟南

屢來停驛馬松色滿庭幽秦岱秦封近徂徠魯  
頌收虬形盤古勢窪思結深秋歲月知何代風  
塵此一丘蓋疑供宦客濤亦沁清流餐飯香堪  
啜簪裾翠欲浮鼻藤相結束曲沼任搜求下邑

棠俱植孤卿槐可儔征夫半唵咏勞者自行休  
漫許閒雲入時過野鳥啾何當置丘壑高潔破  
塵愁

初寓承恩寺值雪分得恩字

杜雪凌人早同雲九月昏脫駭裘未就乞火酒  
初溫途渾仍悲遇枝棲亦借恩客情無住著雙  
樹倚僧門

齊魯土風用竹枝體

柳葉初酣柿葉殷  
畫蒸新棗餉田間  
充途白帽兼黃帽  
香火年年上泰山

豈苗狼藉滿砂陂  
一半齊人解土歌  
巡堡射生防突馬  
柳墉分築杵聲多

青綾七尺自纏頭  
市裏琵琶亦解搗  
大袖長鬟騾背穩  
揚鞭一啖賭風流

土屋編茅三五家  
古來名蹟半塵沙  
兒童不識之無字  
孟母祠前學打鴉

長揖紆迴禮數頻  
衣裁疋帛起腰身  
漫誇德充諸王賢  
爭似東丘孔聖人

山坡羊裏唱年光  
苦酒千鐘枉斷腸  
濟水南頭泗水北  
壯歎躑若個闖來強

山色遙連驛路平  
居人浪說魯王城  
嶧陽碑板無秦篆  
盡與村姬記姓名

廣川旅宿

原田變滄海沙逆屢  
膠舟月黑亂人語  
烟深動

客愁叩門無爨火卧具乏衾裯一夜牛衣泣人  
看是宦游

浮生如過鳥着水即鳧鷖浪蹙征車盖霜侵遊  
子衣垂楊無馬路沙堡半魚磯不盡滄桑恨何  
人解息機

度鄭州河寄友

水頭飲馬影駢驩舟子踟躕楫未諳幻出沙塲  
成澤國荇花菱葉似江南

塵容喫藻愛清渠藹藹波紋蕩玉裾郵信不煩  
催五馬鄉書先可擘雙魚

寄張東山少府

衝霄逸翮忤培風肝膽都歸感慨中侍從幾年  
踈授簡橐鍤何處問途窮飛旌倚劍鏡歌發選  
飽臨邊遣餉同王事大夫饒榦力肯隨群少弄

彫弓

再入都貽舊知

曼容薄祿數元竒敢向秋風怨後時玩世蜉蝣  
聊寄傲藏真谿谷已知雌塵顏折節難為禮吏  
議驚心久廢詩今日為君歌一曲尊前風物自  
揚眉

集張金吾宅龍君超後至共分得知字

倚醉還移席寒房秉燭時夜隨情自永人與月  
俱逢妙理沉酣得交情落魄宜留髡公子意浩  
蕩少人知

過關生共魯生寫照談邊

咄咄風塵中兩出丹青手憐此同鄉人寒共他  
鄉酒頭攢入池墨揮灑各矜肘嗟予髮色蒼靴  
皴塵漬厚豈復故顏面而君貌其醜尚存膽與  
骨森爽誰為右貌膽爾應拙貌骨特復偶起眎  
城陰昏天風斷衰柳盤礴間殺核談緒無不有  
各陳邊塞事雄沉氣欲吼虜婦挾新雛遣騎赴  
關口酣心嗜漢物組繡及糲糗一馬易百縑股

脚半枯朽例外歲橫索踏餐怒不受虜錢高築  
山漢堡飢率守帥府寧不知媚虜習低首中國  
輕薄兒販繪極擔負奸闌馳約束夷女風相誘  
輸情筆斜氣通士共分割相看蕩兒戲城郭成  
培塿今年太白高弧參蝕天斗輦金填溝壑弄  
租盡隴畝雖然講臣禮何如漢甥舅談罷語言  
澁捧耳驚欲走何處畫麒麟精神空抖擻天子  
未央宮邊情儻知否

同李舍人郊遊

風日冬難避茲游若早春不騎沙苑馬看作倦  
遊人木葉猶村落波文自水津沙喧稱行屐清  
興減紅塵

野性憎拘束官閒解息機主人惟愛弟餐供半  
緇衣歸馬門先闔啼鳥星乍稀醉眠聊借衲寒  
漏欲何依

登嶧玩孤桐

秋晏風欲淒山孤錯危石岱宗高出雲邊此球  
琳宅碑碣非一狀透瘦迸殊跡仰睇玄微宮頰  
躍丹青壁墮崖天欲傾湍跽地轉迫洪濛衆壑  
幽承罅千翠滴牛馬自從橫飛儻各有遙扃幻  
若挾額彫鏤半輸脊五丁詎能窮破碎問鬼客  
中有琴瑟材枯桐閉山澤童童鮮枝葉勁幹排  
周尺龍物自顛委和音鏘有數舍秋嗽壑清落  
影蕩雲碧愍邊立無意呵護自疇昔緬懷秦篆

剝祗愴韶漢隔搏拊叩山靈羽化餐石液展玩  
幽思攢攀援古賞積宜人誰復然謝公有竒癖

白塔寺睡鸚鵡

寒衲空牀月色深琳宮清梵隱僊禽隴西翠羽  
魂疑斷南海蓮花夢欲沉僧共蒲團渾不語鳥  
窺禪定豈無心條籠已被聰明誤莫遣醒時更  
好音

贈西泰子

寧髮虬髯須雙碧瞳自翻言語狄鞮中衣冠愛結  
雲霞餐舟楫回看島嶼空不共諸夷克貢使親  
擎天母祝華風途窮萬里星辰外俛首啣丹海  
日紅

上方禪居贈李鍊師 李故中賢

直上青天振羽衣刁調天籟發清機閑看雙頂  
雲光落靜對千林雪色微自解貂璫同落葉且  
分泉石到荆扉叅同妙理君先悟下界人踪得

到稀

一擔風月愛逸名十載江湖採藥行誰識金門  
漢常侍番成天竺古先生林間趺坐醞醕煖石  
上彈絃洞壑清指點禪玄同一竅欲從丹鼎證  
無明

良鄉早發入山

游蓋經沙縣京南得近城定雲俱暝色宿鳥盡  
寒聲漸入看山路無妨踏雪行客身依凍樹塵

骨幾回青

香光寺

韓吉千峰到山名出御題天高珠閣迥雲斷粉  
墻低緇素中貂雜僧房小苑迷山家隨意宿寒  
夢落前溪

閨思八首

芙蓉纔送木蘭舟三疊歌聲在水頭看盡江南  
秋葉爛一行新鴈起儂愁

自約娥眉倩女粧離魂幾處逐征裳不知簷底  
鴛鴦瓦誰滲關河落葉霜

秋入紅顏鏡已非空將形影度金微狂夫自愛  
封侯貴不記鸞娘舊舞衣

茂陵歌舞自含香怨雨愁雲枉斷腸青黛不甘  
輕化石舊時紅縷繫蕭郎

雲沙目斷路漫漫千里孤闌夢覺單爭似女牛  
雲漢裏相思猶得隔河看

惜別含嬌不自持，雙樓越鳥隔南枝。  
千山萬水牽腸處，紅粉樓中十二時。  
燭銷紅暈淚如絲，懶折庭花睡起遲。  
賤妾自寒還自煖，君邊寒煖向誰知。  
凍月孤飛缺復圓，石身遙倂妾身單。  
交河縱有冰千尺，不敵燈前玉筯寒。

贈吳翁晉

西山待雪曾同賦，重見山寒款雪時。  
漂泊舊存

僵臥骨清真猶貯，玉壺姿舍丹姹女。  
君應戲啁啾，朱儒我自嗤。  
怪底吳媵京國裏，雙彈悲怨客中疑。

與鄧虛舟

綵筆新推秣苑尊，一時詞客在龍門。  
河陽花煖嘗詩興，宣室綸違亦主恩。  
酒向金臺看北海，歌從碣石擬西崑。  
相逢擊筑論交地，寒夜春迴片語溫。

合盧生

客裏尋交態詩來雪色淒憶鷓鴣老淚焚硯避  
新題歲序欺雙鬢寒溫念一綈君才赤霄上予  
夢半林棲生與亡兒有交

誰識青衿子能含白雪巖詞源搜古色秬圃角  
時名飛鋏看詩膽殘貂見旅情忘年吾豈敢授  
簡意初傾

蕭寺候補十七首

寄寄從吾造生涯苦未真出山離故局作官又  
依人困馬曾知路潛魚未損鱗無心希命達躡  
蹬走風塵

侍從金門客翻依選佛場世情嗤白壁官運厄  
黃楊性僻知音少囊空旅食長阮車雖有路驅  
策半參商

一陽來復後寒物盡昭蘓乞水波臣顛無媒倩  
女孤資囊苦羞澁僕馬半瘡痛取適無長策西

隣問夜沾

寒情蕪默默清漏夜微微凍樹看身是孤雲入  
夢非還門難却掃虛室靜相依豈不求聞達  
嗔識者稀

傳聞雲漢裏日月自光華宮女趨香案天孫散  
落花半綸俱是渥一命敢求奢宦海探深淺吾  
生詎有涯

漢帝親除吏臣隣莫敢先封章陳款款取

旨動年年直道難卽署艱虞更左遷寸丹銜自  
老誰奏聖人前

無住此常住遭魔亦自魔絮衣看入棘繭足任  
奔波猶抱生梯意其如羸角何九閻呼不得聊  
自覓禪那

望望高天上恩光杳未迴遇時歌蔓草吹律聽  
寒灰李廣奇難偶韓公蹇易頽猶存烈士骨慷  
慨不成哀

造物原兒戲浮榮自薄緣應知賜環日實係再  
生天下走心先折金門眼欲穿舊時相妬客相  
對亦相憐

彷彿傳來信轟雷到耳根俄然化烏有此去向  
何門埋沒同灰溺齟齬類觸藩星星還引照愁  
緒劇反反

遮莫從坏道無端又著冠弱男兒自咲燔乞子  
相看巧黛隨時嬖朱絲時一彈玉唾曾受則蹇

足尚踣跚

曾知解脫法獨結宰官魔如此風波日而公歎  
渡河世緣難減半物論只求多安得同孤鳳高  
飛啖玉禾

廷臣時弋獲塞我獨孤沉殷浩書空久楊雄閉  
閣深望 思生馬角感遇發虫吟但有還家夢  
風譙夜夜心

去住憑誰定愁來只自刪宦情寒煖外除自有

無間集卷詩詞苦顛願易理艱叩徠看九折弱  
骨不知還

傾陽心不淺猶戀舊都城過受鴛鴦離呼從牛  
馬名王明虞井滌人壽俟河清聊玩人間世俱  
忘淹速情

下考甘遷逐君息喜量移小臣元自蹇末路  
更堪疑困頓知窮技踟躕亦憚犧枯亥春自到  
大造本無私

國事堪流涕功名自拊髀收榮猶未晚遇合豈  
憎遲丹養神非漏朱愚跡但羈屈伸憐尺蠖吾  
道固委蛇

和鄧使君雪詩三首

頌雪

青崖紫陌散瑤華應禱寒光滿徑餘齋室祈年  
看玉樹春宮剪勝學冰花璫臺駐景僊人路白  
鳳呈祥帝子家太史占農迴煖律郅中新賦向

來誇

賞雪

繚繞天花起朔風  
玉壺虛映賞心同  
尋梅野興青溪外  
刻燭寒聲白隴中  
梁賦高華飛作苑  
齊封珍重築為宮  
謝家兒女關何事  
柳絮飄零笑語工

嘲雪

爾自顛狂學舞腰  
銀城玉闕豈相邀  
半空鴉色

千羣在滿地  
梨花一夢遙  
瘦影祇供高士病  
寒香羞對玉人嬌  
搃鏡六出春前勝  
纔傍青陽片晷消

雪夜懷化卿宋生

乞父恤典被阻

雨雪漉漉日踞天  
慘不開傳宣看有詔  
關說竟無媒  
壯闕沉朝旭  
西陵泣夜臺  
麻衣深漬血了  
劫問寒灰

留瑤河

郊行纔數春三日出宿猶瞻尺五天  
橐裏琴詩消遠客市中燈火賽殘年  
陽迴鳥動雲生樹石護龍僵水落川  
戀關豈忘簪筆地不堪回晉  
薊門烟

歲杪得家書戲題

失子復得子隳官又補官  
惘然歸缺陷中更歷悲歡  
名障誠何極情癡亦自難  
人生盡流浪獨客任盤桓

旅店口占

月寒溽露露華飛  
依舊當窗擲鼻衣  
二十年前塵與土  
可堪重上使君緋

乘傳常聽官舍鐘  
鷄號村店五更風  
起看腰帶渾無恙  
遙指升沉一夢中

途中除夕二首

除夕明朝是誰家  
當主人最紆沙磧路  
易老客愁身耳熱  
村沽薄心驚爆竹新  
陌頭尋柳眼眯

目盡黃塵

除夕今朝是浮生似擲梭鄉園小兒女岐路舊  
悲歌馬背閑時少羊腸險處多年光頭與尾埋  
沒客中過

東阿道中值元日

賜環鞭策盡 息光叱馭那知道路長旭日乘  
雲迴紫極晴沙滿徑發青陽地經岱岫山河勝  
氣近南天雨露香此去波臣堪水擊何妨五兩

渡三湘

贈丁濟南郡守

丁吳興人以  
北部出守

噴玉長懷跑突泉清流今到郡齋前嶽如弁巘  
春雲滿河似茗源落照偏迎節東郊新竹馬平  
刑西省舊蒲鞭齊封十二推冠冕不是郎官出  
宰年

流澌

太史傳春令晴光轉歲華綠冰隨氣解紅溜逐

風斜玉破蛟人室綃融龍女涯琉璃堆五色菡  
蓄散三葩似雪輕浮浪如萍易沒渦岸頭爭倚  
薄波面互交加鑿取深藏窖分携載滿車寒膠  
消匏子水脉占樵花入夜兵先渡乘春女憶家  
榜人初擊汰川鳥漫淘沙客念同冰釋飄搖弄  
漢槎

廣陵雪中元夕

虞禱元朝與元夕到來江壯復江南可惜揚州

歌舞地輕帆重雪那能堪梅腮欲肥香漠漠柳  
眼未青枝粃粃迷樓斷絕刊溝冷星橋火樹深  
無影嘯月琴聲久罷摺乘風逐客空歌郢誰家  
女郎白紵嬌尊前呼取度鸞簫三山翠橫雲裏  
障五湖白作杯中濤人生榮華似春雪世界銀  
鋪清影瞥相逢若箇有心人磨礪生平一片鐵  
羞逐翠堂輕薄燕冰玉無姿附炎熱

江村春日漫成

繫舸江臯晚春涵練影深綠迷沉草浦紅潤襯  
花林曳屨墟中賞哦詩江上心荒郊磧路少無  
語對冲襟

### 三山吊古

滔滔復莽莽片石江心立飛動挾僊靈地脉波  
間吸三千摩尼珠照耀玉真笈江豚拜浪來盡  
為郭公泣邊術滿寰寓枯骨中流拾儻解騎赤  
鯉嗽月弄篔簹毋令怒蛟氣偏向墓前急

金山有郭景純墓

欲奠碩人適連阡促山蹇懿此豹霧文時向巖  
間綉一臥堅不起三詔詎輕就為磧復為谷造  
化設真竇煙容從往還靈異匹金岫波濤沸滄  
江風雲苦儻憇冉冉山木寒伴此中林瘦恥為  
名利徒千秋發遺臭

焦山是焦處士隱居

雄心不肯滅裂石與山蹲吹簫入吳市誰復傷  
旅魂忍詢俠氣縮忍死冤轂吞報讎蕪報國精  
英晶軋坤寸寸烈士腸千秋堪與論至今作濤

氣波上山雲昏哀哉瀨水女沉石竟無言

銀山下相

傳伍晉度昭關處

### 江行遇風

野曠江逾濶山昏風正罡怒蛟驚枕席石燕墮  
帆檣樹小看吳岫天低沒楚鄉烟波問漁者憔悴亦何傷

午棹移秋浦昏鴉接皖城羣峯過眼失孤客抱  
魂清岸直圓沙滿潮迴逆浪平東風殊快意想

### 像破曹兵

#### 望九華

九子烟容似九疑池陽秋浦亂峯迷青霞道士  
留丹訣太白山人費品題五老却來佳岳並三  
山看去秣陵低夫容繡出東南障鶴蓋何年結  
隱棲

### 礪磯吊古

孫夫人湛此

豈料周郎謀霸主番成吳女作靈妃江從石罅

山前過夜月還堪照錦衣  
文外靈文  
磯頭俠魄尚驚呼不數江心大小姑自是吳人  
忘漢室可教女子棄前夫

小姑曲

石骨上帶土青松直于髮冉冉下礫車雲衣儼  
超忽將何作石鏡宛轉照明月江之湄石如  
芥大姑對小姑夜夜浪漣拜拍浪求珠戴螺蚌  
行人莫污臙脂港小姑山壺郎塢約郎郎不

來波蕩渾無主一雙拳石牛女星摘來江上年  
青枉殺二妃不如小姑瀟湘風雨胡為乎竹  
上之淚淚如血江中之石石如鉄潯陽女兒望  
夫石貞心半向此中訣小姑石大如馬坎坎  
擊鼓此山之下自東徂西無冬無夏歌吳風奏  
楚雅澆神縮酒江中瀉

過彭澤有懷陶元亮因用陶體

塵勞方有傲感惻異鄉縣江水日夜流客心已

生倦眷彼澹蕩人卷懷計良便補劓非無因解  
設得自遣何予獨役楚哺歎自暝眩不憚川途  
遙畏與吏民見黯直甘難容雄文恥入薦會當  
畢所志奔壯從人殿形影茆丘林安之貧與賤  
宿金陵江滸

滯客空江上危檣擊斷沙眠深汀鳥慣幘岸野  
風斜楚吏易為怨越人何處家潯陽江漸近留

月問琵琶

睿晚客遲暮江深路杳茫南風着意競岸草起  
人長牛渚月空照白門柳自黃眼看睿歎去岐  
路劇徬徨

又入風波裏擔簦學遠征愁探洞庭路閒傍石  
頭城蓮葉社中事桃花渡口情行為小吏役消  
減半平生

營卒防更漏舟人只晝眠遠心羈歎盡波浪故  
相慳少別思鄉信憎遲問別船三山天外落佳

句覓青蓮

度許墅戲簡張使君

關門三日驟鳴驕岐路邀歡慰昔遊已累分金  
沾過客可煩繫令下諸偷楚天愁緒經魚腹吳  
會吟情憶虎丘喜借使君袍上色萬行新柳伴  
孤舟

祭風臺

江流浩稽天斷岸声猶若殘山只培塿霸想尚

疇昔異代存高臺當年發奇策鼎分亦成虛英  
雉空草澤楚吏多楚詞初試湘江謫風來不可  
借愁殺離騷客反嗤蘓子愚移作黃州驛山川  
豈私有風月非人役此地看碣灰一杯土還赤  
煊輝爭落照千載醉佳夕

初入武昌山中

岡形窈窕曲攢峰迴合樵烟水護重聞說隨車  
靈雨到揮秧歌裏問山農

宦運逢奇路亦奇箐林礙日影差池山腰有磴  
穿雲入鳥背無風度壑遲

鹽車漸近鬱鬱隆天僕馬瘠痛宿莽牽不見人烟  
空見鳥焚會三戶到今憐

看咸寧道上松有懷周諫議

參天黛色滿康莊山帶清陰送遠香濤響乍疑  
江雨暗影翻應共嶽雲長堪充社稷擎天柱曾  
作郊原福地棠佇想孤標宛焉在夕郎封事幾

舍霜

宿港口

短垣纔尺五解宇半青山草密蛙爭怒林昏鳥  
自還岡連鄂王壘水到洞庭灣松火寒烟濕官  
厨中夜艱

雲溪

拂幘烟蘿滿行行導騎迷鼓声經雨敗盖影避  
枝低觸石常防馬褰裳故涉蹊子規如解意向

客盡情啼

山深截徑窈溪淺受雲多時雨知農愜泥途奈  
客何役夫潛獸窟行李掛烟蘿土語兼離怨吾  
將學楚些

走巴陵用毛公舊韻

愛上巴陵道江湖乘興行雨沉巫夢香風激楚  
魂清灌木閑停馬砮聲久變鶯古誇雲夢獵今  
作一犁耕

五月臨洞庭作

九水浮空勢歆吞湘江不似蜀江渾君山二女  
看眉黛羅渚三閭想夢魂梅雨過時青草嶂浪  
花浮去碧雲昏居人尚說魚龍惡逐客臨流灑  
淚痕

夜行

露滴松梢冷沿山夜色昏  
暝途猶立馬困侶尚  
尋源燎盡螢添火星沉犬報村山翁正堅臥孤

絕小柴門

入沅雜咏

赤坂青泥鳥道長  
山風吹落野梅香  
山家女兒髮覆額也抱長鏡去插秧

雨後淙淙萬水斜  
棕杉深處少啼鴉  
溪邊屋瓦編青竹幾處蠻烟焙晚茶

征輪日度幾山頭  
愁瑣密烟瘴不收  
山路漸深溪漸苦  
三湘回首是并州

竹枝裊裊爨烟新  
手供湘魚不擘鱗  
珍重淮鹽如黑玉  
一番滋味異鄉人

度龍陽

山脚下平波波光亂  
眼多濕雲搏鳥背  
新水濯魚簍  
曉暉昏無極  
沅江路又訛吳儂  
翻楚調擊汰不成歌

水鳥不知名羣嬉  
大有情雨絲分仔細  
雲態劇輕盈  
浪拂江娥白烟消  
楚竹清微官領妻子  
憔悴

悴望孤城

陸行水阻

宦海無涯地偏尋有漏天楚山藏怨雨黔樹宿  
愁烟坂折奔何極途泥滑不前馬蹄渾欲脫輿  
背可勝鞭日作波間鳥如浮海上船滔滔新溟  
渤汨汨小湘川王粲登樓日姬公缺斧年二陵  
何處避孤畢向來懸卷帙蝸涎蝕檐帷菱苻鮮  
流幾投檄彼岸歌迴船鬼哭孤城圮鯨吹萬

灶堙其咨逢涿水無計塞房宣目斷青蕪外心  
飛白鳥邊溱臣卑濕恨今古一茫然

武陵借宿談文學樓居

河魚大上薄崇墉湖畔危樓一寄蹤  
樵泛偶來依葺藻巢居何地借筠松  
人家樹杪弄青雀客思波間飲白龍  
懶漫無心賡八咏登高還欲問三農

相陰令招飲看龍舟曲

千年舊恨湘江水不道新歡動地起大令能迴  
傾蓋車謙恭執轡湘陰市湘山湘水載湘船簇  
簇湘人供綺筵沅芷汀蘭相對出波涵狹鏡牽  
長天舞衣偷眼清波裏歌扇留暉落照邊樂平  
子弟新入楚解作細腰能楚語一曲清商切切  
彈雲停水歇愁何處居人舊雪湘纍涕五日家  
家水頭祭擊汰湏令夔魍潛凌舟競作蛟龍勢  
天激鷹騰盡撒波綠雲直上發湘歌畫道傷心

楚公子招魂不得愁如何愁中宛轉都收泣哀  
音翻作絃歌入稱觴欲取令公憐更為令客紛  
然集賈勇喧呼舟轉輕爭標奪勢波仍急哀端  
歡緒并來妍有客踟躕向江立自嗟流落向天  
涯椒蘭側載空盈車無臆能言賈生鵬有心莫  
辨肱公蛇途窮賴君生起色把酒臨流三嘆息  
肝膽能從白墮傾姓名且向丹砂匿尊前歌取  
盡餘盃流連暮景巾歌側片片孤舟化作龍雄

風瑟凜江雲黑

度七盤嶺

水色纔深五溪口山形又過七盤西洞中白霧  
癡龍臥劍外青巒怖鵠栖吹笛雄心愁寄薄藏  
書遺事覓封題楚天盡處堪回首巴鄂山川入  
望低

抵靖寄諸弟兼念阿塔

花鄂春榮別緒牽問程書寄覺淒然平生距躍

空三百此日淒遑路五千衡嶽迴看稀鴈到東  
川住近咽啼鶻直窮銅柱西邊地又過旄源幾  
洞天澗水分流熏瘴氣諸苗雜處認蠻烟夷歌  
賭勝巴渝曲稅額均克養銳田官郤文移遙帶  
楚成樓兵事只聞滇木瘤鑛火蛇飛渡洞凹流  
丹鳥墜前李白夜郎傷遠徙劉生入播病南遷  
愁腸欲浣山茶苦鄉夢粗成竹榻便兒抱藏書  
防蠹損奴供花事較新鮮籃輿何日邀兄弟為

問先生種柳年

行縣閱稼

自嘆牛刀試割時  
車前問俗故遲遲  
石橫澗底堆成堰  
水度坪間曲作池  
雲碓自春休老犢  
早禾收穀饗童兒  
山中太守長無事  
閒日看雲戴接籬

題宋公祠

吳淠東南反狀聞  
忠臣誓死對孤軍  
千秋鍾簾

扶皇運一片肝腸破  
楚氛刀盡睢陽猶罵賊  
魂消湘水尚思君  
洪都未建三忠廟  
寂寞渠陽墓上雲

答寄傅仲執

空將歲月混泥塗  
長日山衙好據梧  
垂老自憐官轉薄  
移文應笑客仍逋  
慙慙交態傳青鳥  
搖落吟情付紫姑  
回晉仲宣樓上月  
十年清興可能無

白司李至溧城因贈

瑤華出篋倍生光  
按部邊州吏事強  
馬渡溪深疑帶雨  
劍攜秋早欲含霜  
枿楊塵滿寃俱盡  
草木春回洞不荒  
黔楚界聯碑口在  
探竒絕徼意何長

送陸州丞擢羅城令

白雲紅樹滿郊關  
山色飛飛送別顏  
灑吏幾年心獨苦  
楚歌秋日鬢催班  
除書易柳猶強播  
與

玦息迴已賜環  
早晚泮河江下路  
春流百里水潺湲

暮登江進之墓

雲物岫岫滟氣昏  
亾亾何處覓存存  
相要月冷看封鬣  
有淚秋孤滴酒樽  
塵土已無今日面  
嘯歌猶憶舊時魂  
荒墳客到兒孫拜  
野火黃昏自一村

辰陽早發

壺頭關下曉煙低  
暝色寒聲動五溪  
星劍孤沉山月外  
霞旌雙拂澗中霓  
小門村落繞驅犢  
高柵荒林遠報鷄  
于役徃來漂泊甚  
入雲高鳥羨岩樓

劉守戎招登飛山

礮石千盤石作臺  
楚雲黔樹望中開  
英雄壘剩量沙粒  
羽化山藏瘞寇苔  
遠岫銅烟供列戟  
空巖玉乳佐啣杯  
將軍不試雙鵬手  
攬勝番憐作

賦才

送張令至滇省其父令

瀟洒初衣早入林  
天南無限白雲心  
趨庭去躡王喬舄  
侍膳還聽宓子琴  
循吏傳中看述作  
逍遙世外任升沉  
緣知舊令逢新令  
棠樹椿枝滿徑深

阿翁叱馭輕雲路  
令子懸車自水涯  
片玉久誇庭下樹  
一枝番看縣中花  
人傳濟美雙明府  
不

羨謙恭萬石家溫清百年闈侍切昆池萬里汎  
靈槎

會邑山行

山頑微有峒水疾漫無波村落俱藏坳鄉奇半  
涉訛斲崖剝木渡歸牧扣桐歌欲縱登臨目遐  
荒奈客何

丁甲今編里獠夷舊寨名役夫催款長舉火燬  
山城導騎非時到郊廵不記程緩行鉦鼓息猿

鳥莫相驚

山深秋欲老草木發孤香瘦石陵人出哀湍入  
聽長吏情輕紱冕秋思在衣裳自抱風人恨兼  
葭夜有霜

竄跡窮登頓荒涼極楚西那能不蠻語何處記  
愚溪復嶂峩幃過爽鷺隔樹啼地偏逢小有偷  
飽臥雲低

自公循下邑林薄莽蕭蕭蹊淺馬知路風馴虎

不驕岫迴看岑嶸秋遠覺迢迢牢落慚非策間  
心屬野樵

衙齋飼鳥

薄祿支朝夕分餘及羽禽條籠羈解宇花木想  
遙林覺性呼名異長廊刷影深訟庭效馴物相  
對息機心

蔣士美學博以夢花見貽畲以禪語

雲肆寒芳到霜痕故故斜形骸原幻夢根蒂亦

空花不種河陽縣偏宜苜蓿家相看成大覺開  
落咲生涯

憶內

辜負龐家隱適棲伯勞何事各東西腰章縱有  
浮榮在不及蓬門問護鷄

消滅荆裙德曜粧儉慈門戶有輝光東歸夫壻

無金贈莫作羅敷陌上桑

天涯消息隔寒溫何處鋪糜對夕昏庶下餘春

經濟盡幾多  
黎粟到兒孫

### 守歲

放衙今日得身閒  
綠印斜封早閉關  
憐却尊前舊風月  
不知家世是東山

噉鎖燒香翡翠籠  
春前倚醉咲春風  
年來年去看青黛  
知入天台路幾重

峒錦低垂蹴小筵  
梅花剪就燭花鮮  
白家風味原如許  
楊柳櫻桃不作妍

沙邊解佩贈流霞  
綉箔雙飛度鬢鴉  
留取機中紅錦字  
明朝元日頌椒花

栢葉探鈎墮珥傍  
忍將憔悴負年光  
何當截取湘君竹  
吹作雲間雙鳳凰

### 耕婦

子規歷亂促耕時  
紅女西疇強自持  
襪污紫泥嘗玉趾  
臉低青葉亂蛾眉  
丁男去縣輸租早  
稚子應門餽餉遲  
閨負可堪供錢鑄  
祇添愁緒逐

機絲

由洪江舟行抵常武途次雜詩聊以代記  
沙溪舟未穩留滯石尤風一水青於染諸山頂  
畫童嶂紆沉暮靄雲淨澹穠空忘却黔陽道看  
將剡曲同

欲買安江酒東遊醉洞庭櫂搖驚落葉棹泛看  
寒星玩世隨羣嫖長歌笑獨醒倦留雙眼在的  
的向山青

不必住山水舟行亦爽然嶺雲差解意澗藻故  
相便鑿石通蠻穴燒畬種秫田尚疑人境外或  
有未開天

直到橫江口辰沅併入流瘴消宜白露天遠正  
清穉啄影鷗羣狎合滋樹結愁煉沙應有術誰  
負壑藏舟

大夫方跋跡偷嬾自吟詩羨睡枯蓬底啣杯出  
峽時征輝山共卷清吹浦還隨卽此了生趨休

添蕙草悲

揆柁出辰溪溪殼枕席迷隣船喧水客城上報  
杉鷄危行青連曳圓沙素魄低歲災猶未恤砧  
杵半含啼

辜負重陽日山山未一登孤舟同泛梗萬象只  
虛憑雲細煙沾雨寒生澗涉冰微官成束縛濟  
勝竟何能

獨抱洪濛意探竒峒壑中僊舟呼不下鍾鼓聽

來空谷嚮通天籟冥搜見鬼工何當凌絕躒留  
碣駐文樵

聞道瀘溪水黔州峭上來地流煙晝慘山障雨  
穩迴銅柱標雲古黃頭撥棹哀勳名問南絕長  
劍歆登臺

叅錯看雲岫潏潏巨壑奔諸溪辰水大列邑隴  
城尊紫邏深番部丹涯結楚藩 聖恩宣舞羽  
荒服敢囂喧

九反艱危地三苗戰伐場幾年開井邑獨客領  
風霜怒瀨鷗鷁沒呀坑木魅藏昔人跨矍鑠意  
苴竟悲傷

急險驚時過漣漪亦自安夢魂依壯極憔悴困  
南冠月泛蘊濤白霜催柿葉丹偶來經此地呼  
作使君灘

委宛藏書處遺封有斷雲山連大小酉莫辨古  
今文鳥跡蒼苔剝經叢空谷聞問竒愁佇立草

木嗅餘芬

緣堤小有磧寨堡半無城村郭同麋聚岩耕聽  
犢鳴似葦灘碓險不減惡溪名鼎沸驕初客他  
時召五兵

鬱霧沉清浪川蜺欽白雉荒林少編戶烽火雜  
苗風石磧齊三峽濤聲敵二洪禹功應底定萬  
派盡之東

暝度高都驛崕山洞壑穿雲根盤古岸風磴壓

長川水宿夷歌動林溪客路偏  
士平津漸濶迢遞武陵船

未經通漢日已有避秦人  
雲物千年在槿花得  
舊津洞中懷逸客波上覓餘春  
忘却沅湘恨汀蘭咲歌紉

行到山窮處豁然看遠天  
形骸殊解脫逸翻任  
高寒一葦三湘近孤城雙杵懸  
月明吹笛罷頓使客愁掄

過龍君御別業賦贈

雲踪汗漫識茅龍自起丹臺看碧峰  
池約洞庭藕水入山連善卷暮烟籠  
肘間不礙愁生拊腹上還堪夢作松  
暫語楚些襟倍洽燭深清夜醉芙蓉

槿花廊下釣魚船靜對沙鷗抱膝眠  
勝事幾番還自咲新詩應與解人傳  
高情散誕元同晉初地空明不隔禪  
虫熊搃消雲水在竹林風物故

相憐

君超孝廉齋中展畫商詩倚醉吟贈

君家兄弟頗好事溪上季來舊種花山翠月明  
依鴈浦水痕春煖上魚車湘雲點筆濡青翰楚  
袖焚香出絳紗自是酒人統故態參橫庭樹角  
巾斜

碩人猶滯考槃阿沅芷湘蘭續楚歌題柱幾季  
高片玉藏名終日抱孤柯搜求風雅吟情苦次

第丹青鑒賞歟玄史乍窺渾未足枕中鴻寶奈  
君何

送郭中丞歸養詩

熊車今日倦登臺賦罷歸與攬轡回銀管細書  
藏豹略金鑣轉控隱龍媒五湖爭長滄波裏一  
粒收真碧障來 聖主留餘供愛日鱣堂家慶  
喜重開

四十餘季屬壯遊衮衣邁返問林丘玄奇兵訣

黃公石儉約歸裝晏子裘月滿夜郎征轡緩  
春生彭澤錦帆收倚門歡劇雙鳩杖羸取丹心奉  
白頭

老臣歸着老萊衣番向趨庭悟息機  
意苒諂消堪侍膳誅韋風淨好垂闈  
林中舊叶蘓生咲石上重留渭叟磯  
從此奉輿耽桂隱子情深處宦情微

自起齋心繡佛前白雲遙望禱長筵  
貪依子舍歸初地欲報生恩結梵天  
淨果早憐居士論殺機銷盡宰官綠  
縱令槐棘高三九爭似蟠桃敲百季

詔許東山暫臥雲明時忠孝紀司勳  
曾參侍罷頽餘磨石建朝歸滌屐  
焚香鹿夢回醒梵劫蓼莪詩咏  
芳遺芬匡廬香案依然在挽帶銀魚手  
自交

英略君家有令公操觚一代見文雄  
角巾歸第

存孤尚草疏陳情愜素衷銅柱久標奇績茂歌  
鍾應拜握息濃天生將相材何易可向高堂早  
掛弓

雨渡旄川宮

問此入何路而覺煙霏別但見山氣孤澄然古  
泉潔窸窣開半壑吐瀑如沁雪秦人與漢人季  
代了可說僊踪幸亾恙晉記字不滅慚予尚南  
嵐何當解塵紕漁舟自往還洞口旄花咽

苗女辭

蹀躞下層坡鬪歡度前陌着袞騰上樹滿樹梨  
花白

耳上大銅環矍眊裝晉姿山前聽瓦卜問郎宜  
不宜

鵞毛織成罽壓鬢垂踈花白足躡山樵嬌作秦  
代娃

椎牛羣合款款約信如許嫣然眉角鮮容情作

蠻語

龍津橋渡

西來疇願力兀兀波相窄千虹矯暈翼一柱奠  
熬骨如行太空中灑氣轉泡淳化人轉箕坐昨  
夜龍改窟彷彿上黔雲相將拾滇月斜亘絕漢  
道坦蕩直于髮秦鞭得非幻蜀杠毋乃拙請看  
題柱客中流著洪伐

黔陽道中逢湯惟尹翹公却寄二晉

山行雅稱睿光好宦跡番嗟行路難花點青山  
邊舊恨雲迎紫綬接新歡黔關鳥道堪回馭楚  
澤騷人共握蘭藉慰足音空谷裏旅愁遮莫向  
君寬

西省官分地一同行睿露冕瘴煙中泥人鶯燕  
溪藏谷變態雲霞巧作峰吏事經心徒自結狂  
歌屬和強爲工旄川東去無效路相憶漁舟帶  
暮空

臨溪溪寄荅畢孟侯侍御見懷

奚囊入南戎索莫嗟風壤  
溪水一掬瀾有時成  
獨往何緣寫白筆千里  
貽清響佳會觸牙絃素  
心杼澹蕩聊乘物外觀  
締此區中想明月著  
芳儀携之坐石上涓涓  
滌塵纓庶以賦疇曩

贈劉生

上馬槊下馬檄男兒英雄  
驕七尺劉郎美少氣  
食牛二十英英繙楚璧  
蘭熏雪白綺繡文千金

僕姑只一擲赤羽裝成筆  
底花射鵬爭此扶搖  
翻試問高堂壯武翁  
徃徃出手左右畫班家  
父子有奇策

雨後衙齋

南扉啓幽色岸幘轉愆  
哉天忽將雲赭山疑挾  
雨開林苞小有潤几帙  
淨無埃向夕希公事臨  
霞班管裁

澗中新瀑

朝霽氤氳合凌楂到水濱一條天上落萬派谷  
中聳怒溜檜杆出安流屈曲分撼回齊衆馬裝  
麗挾諸軍撥刺跳魚尾飛翻矯鸞羣波連巖雨  
白睛駭壑雷殷恍對匡廬瀑如推蜀峽雲枚生  
難作賦江女欲留裙蒙悟源頭理風行水面文  
未回千里棹空滯五溪氛憔悴成何意行唵汀  
芷芬

復被謗

怱怱辜負一春花客夢頻驚老樹鴉投杼又當  
三至後逢季空作半生嗟風塵在態催西影歲  
月形骸撼左車饒爾火攻飛虐焰冷心常住玉  
清家

對月

孤月臨清藻天空三兩星竹墟寒度魄木魅皎  
潛形散地堪逃暑巨心自飲冰楚天淒夜色展  
簞泣湘靈

五日登樓看龍舟

金塘水沸碧山峩倚棹黃郎慣撒波  
寨雨舊語羅鬼俗蠻奴爭唱榜人歌  
絲懸五兩因風好愁動三湘奈客何  
暫借單絃薰奏入繙觥蒲醕醉顏歺

螢入幃中感賦

元龍氣在只高眠冉冉螢蜚墜枕前  
自訝驪珠因睡出轉疑藜火照書偏  
光搖李白奔星夜影

破莊生夢蝶牽巧入無端  
鷲物候滄江暮雨倍堪憐

戲贈永從令

桐葉繁梨雨無煩卓盃張山厨供醃肉  
樵戶納鷄糧款會椎牛象蘆笙聒耳忙  
盤冷鹽味少闔訟土司強取醉板崖酒  
焚香覓枳黃舖烟橫吏舍所馬上公堂  
老成人三戶夷童字幾行導呼招鳥怪  
汲水共猿嘗不信黔中令腰間認印章

天河

蒼茫一片白杳杳亘長空  
津澗孤雲外濤飛灝  
氣中鵲填梁未就揜汎路  
疑通彷彿臨河女風  
吹擣練工

黔公子行

五斗師君掣飛電東窺武定西尋甸  
出沒金沙浪蕩軍滇人不見巴人見  
公子縛取歸豕宰十車五車黃金高  
顛陳帝息世世宥哭向高廟聲

號陶前季白樹書兵起赤象驅牛涉江水三宣  
帳下越兒歌賊來如米復如蛾鷄鵠毛衰奈賊  
何

山木辭

漸漸崔崔凌險涉危如孫升木坎坎若雷伐之  
倚矣析之侈矣蠻獫為政采入厥鄙五溪毒淫  
鳶鳥歆沉耆乾宿阻實勞我心王事靡盬遽而  
下走事匪克集躬非我有天胡憇材累累樞搏

間而龐碩掖搆窶痛百不程一府無昂直墨者  
購罰偷者起扶有吏亾骨有氓亾膚邪呼聲震  
山鳥畢逋一棟一題千鋸萬緡我欲訴之高高  
天門往眎旦旦白石欲爛閭左已殫漢宮未半  
嗟彼集枯譴天何辜載馳載驅告藩大夫

七夕

牽牽逢巧夕事事拙仍多懶性投忙裏清心柰  
織何却邗迷故步不偶汎長河日月如雙織空

停天女梭

聳疏哀舊曾柴君

少壯功名付劫灰醉鄉歸去竟誰媒生前辯舌  
今枯骨尚有彈文到夜臺

闕下丹心哭斷雲關情生死我和君尚平若問  
何如先空贖餘生聽處分

寄鮑參甫復禮會

主息還舊物交態可如新憶昔同曾日肝腸見

古人禮餘存朴魯靜處覓清真一點關山月升  
沉共此身

邀沈別駕登大士巖

半刺風流擁傳來相携月色共登臺人疑舍利  
珠光出歌學類伽沓鳥迴風裊挂巖招逸客天  
空蟾影度僊才泠泠不斲禪中意弱管龜雲思  
懶裁

題吞吞圖

春風窈窕開芳墅春人一簇花如語揚柳枝枝  
掌上嬌夫容朵朵尊中救深房曲榭闔玲瓏砌  
玉堆脂宛如許有時拂羽上金堤若箇流香墮  
紫泥千轉啼花越歌艷半圍縈雪楚腰低就中  
絕代可憐人小字明珠勝裏身紅蓮蹀躞矜飛  
燕白雪櫻桃恨未真海上珊瑚滿千尺美人顧  
咲輕一擲露華月魄遮春籥咳唾回風動疑碧  
石家主人安在哉金穴銅山盡作灰空留遺事

寫絹素縱橫蠹蝕生莓苔

中輓與徐允德待月

山館陶佳夕涼蟾隱絳河深藏疑掩鏡露缺若  
揚蛾明滅吟情續徘徊酒態多望鄉兼望月清  
嘯歎如何

遊天柱鍾鼓洞作

鴻濛物外鑿何年窈窕空巖狒部邊寒落半泓  
飛月缺烟飛一竇儼天穿林端霍老堪迴駕洞

口羊眠未着鞭誰信槃弧荒服裏幽竒別自有

山川

山溪不住夜郎王銅柱天南地界荒鍾鼓洞中

靈籟出烟霞僻處野泉香龕幽幻結虬形古藤

瘦斜穿石乳長咲殺米公狂下拜東歸無計憐

林裝

溧城閱武踵顧萃玉舊題

千羽通蠻服征南築舊臺霸圖長不滅皇略轉

悠哉赤幟揮炎嶂青壚辨劫灰山川看突兀將  
卒自嗚推旆卷穉花落營回夜月開騎飛連野  
馬炮響發晴雷列校搜夷部長驅倚獷材輕生  
茸裸戰靜治擲啣枚刃帶皮林血歌餘播地哀  
伏波銅柱老諸葛陣圖回烽淨郊無壘民餘歲  
不災士閒爭射柳弩嗾半舍苔宿飽千夫膳傳  
呼萬歲杯但令尊俎上談笑見雄裁

紅樹

青女會愁思啼紅滿碧林緋於山杏淺絳比野  
桃深詎意蕭條色畚開艷冶心錦江穉擣後片  
片着寒砧

本是霜催葉相將看任花虛疑金谷障似帶赤  
城霞紺薄岫岫卷丹飛故故斜羞他宮裏樹剪  
綵不成葩

赤赤千層綺青青山一園林間看火樹岩下晃  
朱扉取次殷征旆時來上客衣蕭孃騎彩鳳一

片紫霞飛

蘆笙曲示下邑令長

五溪西頭百種蠻千季不解通漢語月煖山空  
夜靜時競吹蘆管隨風舉漢人教作是蘆笙囉  
喇蠻奴亦有情花袖銀鐸金落索蹋足高歌相  
和声秋來太守申合款車前橫吹邀山伴響發  
疑同簷葉清音淒歎比參差短就中團老髮蟠  
然頭留撫苗官幾季牽衣學語咲還泣請輸稅

額供山田椎牛賞款日將落叅佐南樓奉歡酌  
君王千羽一萬季時充南部昇平樂

讀虹橋碑寄朱宮允 碑出朱手書

忘機舊結烟霞侶好事曾同書畫緣一自謫來  
湘水上幾季遙望白雲邊夷方賸有題橋字社  
草還餘贈劍篇開閣儻能容滂客埽門其已後  
羣賢

有懷陶祭酒

陶久不出山謗者以巧題之

逃名若逃雨底車復遭誣大地原成劫嵇山何  
處逋早知愚是道一任巧相呼近日傳來信人  
間剩住無

送湯惟尹入覲

中原老詞客南服小諸侯振玉行裝薄陳詩班  
管抽板轅半蠻語問俗過荒丘峒裏峇回處頻  
行遣犢留

小艇溪汎

去去涉清蹊時時畫楫齊片鳧經堰曲一葉下  
灣西隙裏窺山小蓬根卧月低生來漁者骨莫  
遣白鷗疑

貞節詩

衡山令如袁夏甫終日推窓拜其母聖善高風  
在壯堂身如畫燭哺鷄苦誓死無聲黯墮雲窺  
膚有淚深沾土大家逐子賦東征萬石巖媼媿  
姓名子產人稱衆人母推恩阿母垂慈名織斷

緋衣巧相續熊飛膽在燈烟清一日  
思綸題  
掉楔千秋彤管流芳懋節烈循良兩兩傳棠歌  
猶並栢舟篇請看南岳龜臺上冉冉鳧飛到母  
邊

朱叅藩奪劾還滇詩以送之

省門郎吏半馮唐脫穎看君出雁行乍可傳書  
論戰伐却嫌投杼礙行藏青韁亡恙羞羣盜  
皂帽携歸隱舊鄉菜譜品來樞第一點蒼山下

近被盜徽

摘新嘗

邊報

市馬舊名王新鷄任意強墩臺凋漢卒道路梗  
胡商關外無青草山前橫白狼陽蘇俱戰地鈴  
索備非常

漢繒愁將竭天驕又不遲窺遼潛故智內犯比  
息私魏絳非今策驃姚憶昔時書生莫浪語虛  
實虜中知

度辰溪

辰溪縣前饒異石嵯岬嶂岬生竒姿石根據水  
城據石輪困古木紛蔽之俄然隔江一片雨歎  
雨不雨山無主洞底時牽鍾磬聲鈞天廣樂窺  
靈府上有鳶飛不住之危巒下有奔流不斲之  
輕湍此中嘈嘈雄水關千奔東去無待還一回  
一渡凋心顏

憶西湖

月想寒花徑風憐上釣磯兩高時入夢何日返  
荷衣沂水兒童在襄陽耆舊稀近傳歌舞客化  
作彩雲飛

偶續愚公谷詩

嗒然中無營兀坐觀竅妙趣舉不及排偃仰還  
自調入聽從鳥言觀生澗荅嘆愚愚印山公天  
狐一長嘯

本來受愚身推墮窮愚味但覺勝後肥於擇不

取費麀麀及靡蕪時時遠相慰大谷與小谷天  
地唯一氣

無益世路長祇覺白日短隨意山與澤懿此履  
道坦習愚番苦智愚存不自宣所托惟寂莫禿  
髮事玄慕

寇辰州邀飲班耆時初履任

絕倒耆場戲喧喧百技來黏竿弄魚鳥勇勝出  
樓臺謾引榷茶節溪啣栢葉杯五溪衣服好歌

舞為耆裁

莫怨來何暮迎歡正及時拍歌山簡笑耆色醉  
翁知締饜依辛俎珠唇發妙詞徘徊看未足端  
坐狎羣嬉

塔前罷干羽堂上賦觥觶月令耆前布黍華醉  
秉收溪聲隨接軫山色二層樓竹馬歡何劇新  
迎郭細侯

物色季季異今季樂事繁妓釵迎五馬歌袖接

雙幡雲彩傾高調花枝滿上尊主人頻壽客笑  
語盡春溫

竹寨新柳

岩傾竹色晦掩暎柳分明裊裊乍含態踈踈復  
著情牽逾空老客谷冷未遷鶯江水別離意令  
人歌渭城

寄畝孫翰史

綠水芙蓉學士足夔龍猶滯樂羊書縱令愛少

人情薄更老何妨對石渠

名家忠孝古人前鵠立雲霄侍從年未許清真  
稱道士稽山風月鳳池邊

蚤春

浚谷迴煖律百昌始膏發流景浸密移代謝互  
超忽眷此南路長遙睇浮雲沒歆緩遷客情轉  
驚烈士骨業旅自夙志建樹媿洪伐良塗希前  
光勉為尺寸竭古人有素心守之其澁訥

章甫裸族嗤皇考博羣咲飄搖厲盲風還日塞  
衆竅昭昧者誰子園中執道要巧速忌生沒遲  
暮垂末耀餘風亦染時浮湛從物肯安用季主  
卜造化詎可料青陽自孕育含煦漫舒眺  
槃山富靈藥辰澁沅瓊丹行藥及行春餌砂證  
玄剋昔人乞勾漏得無此意殫懼以素絲質留  
滯凌風翰快士牢長纓所嗟行路難躑躅望故  
鄉矯迹聊盤桓豈不畏友朋賦彼零露團

同學道方尊羊慕欣有托委生隱小吏川巖守  
寂莫敢齊天放民自厲他山錯丹采湯增飾身  
行苦滌望巧之粟立狙真感彫陵鵠方州眷息  
私臥理不為薄引領望青郊周咨良耜樂

賽金老人答

夜竄茅屋下僕夫謾無主衾藉旋誅禾充寒具  
村魯淫霖轉稠濁墻艸無完堵里正前致辯哽  
咽鼓出苦今季蝗蝻惡五月不漑金丁男入遠

山斫巖供阿姥縣徵復無藝催添失次數賦恣  
新畫一頓首仰大府語罷得慰藉支枕向簷宇  
綠林頗以恙夢結纏綿兩田家有時養猫畜方  
就乳樹毛求其雄噉哮嗔叱帟恐驚官長睡拍  
逐聲許許天明車出門隄防勅閉戶看囊贏一  
錢留之贈田父

送落迦僧

荒服二千界虎憑一鏡探瘡鄉初灑露辰蜃宇舊

藏龍象乞南全鑄心將大乘參海潮諸老宿歸  
與覓禪談

諸鄉紳招飲盧元戎別墅

大樹功成樂正盤杜陵耆舊集衣冠斜連雞堞  
開蓬徑小築雞塲時藥欄越舞雲晴芳袖煖夷  
歌夜靜酒杯寬不須俎上談兵畧已覺蒲鞭在  
蓆安

客中寒雨

截案俱含雪  
崦呀半啞冰  
山空無一鳥  
行子自伶俜  
石骨烟疑墮  
山腰午未醒  
垂垂苦淋慢  
天外欲沉星

沅州報恩寺宿

驂從宿招提  
禪心宦客迷  
一灯未了萬劫摠

難齊溪拂蓮  
蒼水窻函貝葉題  
取沅有芷心

跡此羈栖

送袁兵使還東粵

宦路茫茫罷局時  
經綸袖手鬢垂絲  
三湘旅雁愁相失  
五嶺梅花興不遲  
杯酒兵權成往事  
扶藜歸老盡恩私  
謝家王樹陶家酒  
歲晚山藏事事宜

何妨雪色理征騾  
轉盼功名攬笑看  
萋菲向來工貝錦  
逍遙原自導南冠  
黔烟楚月充行李  
蛟浦羊城築考槃  
憲府舊携孤劍在  
坐令滄海一星寒

春雪詩

昭蕪萬物情際會干煬澤愆期春未青凝華凍  
仍白鶯聲晦寒谷榮華淹紫陌乍疑梨峯早瞥  
受柳絮迫監州卜農祥沅亾漫無策冬令逐春  
行齒戒自疇昔宸居避左个太史違疇冊局促  
傷天嬉燕戾生肘腋坐令春心損轉覺羈思積  
似鴉復疑鶻敲敲弄曉烟番日情緒劇故引別

山鳥

離添亦自知春意其如悲遠天山中氣候早榮  
苦問業田

灣潭

卸鞍纔定魄安穩坐溪舫雙漿催飛翼津難急  
連銑斷山看未了塵夢幾日醒野竹迎船出娟  
娟為客青

喜李生遠來

不見頻搔首相逢嘯歌僮能留意氣差且慰



似獲四蛙居

再別仲舍

到時初覺相思易去後番嗟見面難雁斷孤峰  
三楚盡風吹白袷五溪車別離歲月空留夢疾  
病天涯未整歡最是無情江上水扁舟催去路  
漫漫

閉關

小花兼小石雜植庭宇間足此了公事閒心時

閉關牘希倦屢塌遇蹇愁自刪湛堅堪內照采  
翠鷲鬢班汲甕及清曉悠然望南山婆娑一官  
寄朴木至性頑支牀屢病骨浮雲何當還

望雨

火宅疑焦卷清涼仰上蒼微陰占埴蟻拜舞望  
商羊雲氣牽然目淡暈續寸腸乍聞雷隱耀歆  
探壑龍藏

縱閉誰靈術巫家訪老師隨車無左驗喫酒借

息私 帝者猶勞剪微官敢憚犧飲冰還內熱  
憔悴只深知

西爽樓集

鄧使君劉山人李文學分韻

長庚對酒倒銀河紫邏雲山席上多南雅乍逢  
堪奏節夕陽虛照款迴戈十年離別看雙鬢萬  
里瀟湘共一簑人日登樓寶筏好芰荷風送楚  
人歌

夏日即事

山鳥無聲山館清綠蘿陰下覆丹經長安棋局  
渾忘却惟有高眠是吏情

煩暑都消曲几烟斷花疎竹近穉天荒城早罷  
催科令雨後新輸一斛泉

偶成

不葷神自告底事腹河魚漸減休文帶時攤本  
草書形骸任枯槁着意守清虛人道陰陽患都

為造物拘

孤鴨篇

署有鳧鴨其黨散失獨留一焉穆然若有悲也故賦之

隙地規芳詔羣菲動青陌微禽偶失侶徘徊中自慙含喙感昔雙戢羽悲今隻豈不其稻梁孤羈宛如客淪落自遐遺天池咫尺噉然時一鳥度几遠彈舛

何司李呂長公避艱去道別

出峽俱彈漢吏冠分飛鴻雁楚天看相離豈礙稱雙美惜別畚令嘆二難大酉藏書應選勝武陵花事未成歡空將落莫貽遷客獨立滄江影倍單

喜雨

朱炎飛白雨天意錫農歡雲物都回潤汚邪旋任湍咲提如意舞相勸一加餐太守亭名在差

令薄祿安

生辰畲友贈什

漫說百季同汎梗從來七月憶瓜朝浮生鏡裏  
催人老宦業天邊怯路歧鳥向暮雲尋舊侶蕉  
分秌色寫新詩鼓殤一咲忘延促駒隙茫茫任  
所之

七夕遇雨

閣道黯無聲雙星不成度銀河清歌穩烟霏紫  
迷莫雲雨寧滯滢蒼茫那可泝負輓空躊躇停  
杼竟安在靈樁有徑通星鵲奔回互爛焉懷七  
襄瞻檐鴛屢雀人間復天上佳期每生妬引領  
望霄光想像天孫步

校夜讀作

陶公矯達識馬誠勗終令安得秉雙懿升堂較  
文行予本澹蕩人於世譽適性藐茲他與犢猶  
賢臬與鏡童心任痴痴咲與梨棗併天地自委

蛻空餘此物刺已燕亦塵勞式穀詎家政頗幸  
肖予愚徒爲盡詬病嗤彼孺子牛百季何究竟  
倦臥恣軒鞬經殘壁燈淨

得門人王木仲書却寄

臣吾一日長共爾十季知特達者飛動支離自  
伏雌路岐如隔漢道喪豈居夷會向虞芭說玄  
經理益竒

靡蕪穠色裏到處看湘雲森森空江上懷人幾

到若絳紗遙對酒白練憶題裙何且慰離索新  
詩佇遣聲

吾生元自達涉世一何愚已分無長策何須更  
卜屋髮垂心共短路險骨空劬鵬鷄將安托勞  
君一起予

佐何青白眼憔悴向時人竄迹宛如昨相知意  
轉新不才時命舛有道夢魂親自艸幽求子搜  
遷托史臣

送施少府歸隱

曳裙驚遠 詔秣馬繫離愁歸索寒於水行人  
正及穉巡邊餘短劍太史逐扁舟接道還靈壁  
山中片石留

聖誕

山城朝賀已三巡紅褪朝衣白髮新萬里雲山  
齊聖壽百蠻嚴穴盡王春夢回此日爐香遠步  
當牽佩玉振皓魄一輪渾未缺也分餘照到

孤臣

和何理官懷化驛夜酌

昨日君飲去今朝予復來可憐澹薄人共此郵  
亭杯一杯一杯聊在手乾坤大咲還開口試問  
君家大小何何如此中大小酉請搜玄字書千  
文興來落筆星河走莫學脂韋醜醜兒腸雲  
雨雌黃矜短長但令肝膽可剖出野水獨勺天  
蒼蒼

玉田洞僊船古跡

張槎在河漢范蠡歸五湖其事頗稱說陳跡空  
模糊誰知涉辰江丹壁如畫圖岩上具僊舟迄  
今猶可呼蓬窻宛烏在千載木不朽何人上峯  
頭嗟崎如坦途更歷幾天地常留雲物孤我欲  
移之東烟霞從此逋暮泛白雲眠朝與黃雀沽  
洞庭只杯水長江但蘼蕪破佐剡溪棹興盡清  
夜徂達扒蒙莊生壑藏詎良畜有力負之趨紙

呂遁故吾

入辰試新艇感賦六絕句

寒潭收潦雨添波伐鼓頻催榜柁歌試較大帆  
風力便五溪爭似五湖多

野徑蘆荈漸着霜青山顛倒入舟航溪流那得  
歸心急一夜飛蓬幾到鄉

躡蹻名結旅愁風塵撒手便行休牽來款理  
青篔簹滿取烟波佐釣舟

浮家汎宅是吾生，遮莫鴟夷隱姓名。  
喜起蠻童雙漿健，凌風直上一毛輕。

不羨同舟月下人，浮名拖逗摠非真。  
洞庭何日孤飛去，乞得閒身在外臣。

認取龜蒙是也，非筆牀茶灶亦依稀。  
獨嫌簪紱牽人在，十度辰山尚未歸。

咏桐

黑色參差秌佐林，離離結實抱清陰。  
葉供天子

分封璽材椽中郎，度曲琴小鳳朝飛。  
迴日影山鍾夜扣，助霜砧閒庭相對。  
浮茗椀隨意，高人抱膝吟。

書伍學博遺事

一屏青冰首若盤，新從兩廡綴儒冠。  
服虔經術千秌在，留與南人作樣看。

勞人草

伯○含○使○君○之○以○兵○部○郎○刺○靖○也○屬○  
予○守○黎○相○距○二○百○里○許○郵○筒○詩○相○  
往○來○甚○歡○也○伯○含○才○既○雄○俊○豪○爽○  
不○可○羈○奴○又○於○載○籍○無○所○不○窺○自○

騷選歌行五七言近體靡不備具  
始眎予馬曹藁興寄清遠飄飄歆  
仙跡其意殆旁睨千古矣已取南  
遷後遊歷感懷所得篇什裒而梓  
之曰勞人草夫伯含以簪纓賢介

丹霄清流吟嘯司馬署中足以坐  
至尊顯一旦出為外吏昇之祥呵  
黔瀘之間涉沅湘踰盤嶺崎嶇阨  
塞簿書錢穀之是問而敲朴喧囂  
之是聒視昔優游都城與海內名

流散帙雄飲枕股談謔勞逸不徑  
庭乎王右軍有言以邁往之韻而  
俯同群萃誠難為意也故曰勞者  
歌之昔賢行役徂征從軍羈旅寒  
者載離未嘗不託之詩歌要以達

其幽思舒其憤悶寄其悃欵欲無  
言而不得耳今讀勞人草擬騷傲  
詭而怨慕被言直致以愁思閨思  
深婉而悠揚吊古悲壯以竒崛無  
行愴惻而心懸荅寄繾綣以鮮藻

詠物雅麗而傳情贈送慨慷臣雄  
騁總之沉宏溫麗而率溢於性情  
視馬曹稿益深益工大自千古昔  
人謂張燕公謫後詩為得江山之  
助伯含亦云矣史稱屈大夫睨於

詞令迺今不少概見其文而見放  
以後枯稿憔悴之餘碎語單言悉  
為百代辭家型范賈太傅謫長  
沙何緣以賦升孔堂豈非以菁華  
蘊藉抑塞於廟堂而發舒於豪素

人代有盡清音獸遠視夫椒蘭絳  
灌所得孰多未可遽謂詞人陽九  
也由此言之勞何負於人哉矧伯  
含曩居郎署故矯矯知名賜環且  
在旦晚方當出入諷議賡載遂歌

以鳴

國家之盛茲勞也迺其所以為逸  
也

友弟湯之相惟尹甫譔

國



